



Broj: 16-12-16-3522-~~3~~ /17
I. Sarajevo, 21.07. 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije Agencije za javne nabavke od 10.07.2017. godine u postupku javne nabavke rezača papira za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku rezača papira za potrebe Državne agencije za istrage i zaštitu

Član 1.

U postupku javne nabavke rezača papira za potrebe Državne agencije za istrage i zaštitu, putem Konkurentskog zahtjeva za dostavljanje ponuda korištenjem e-aukcije, ugovor o kupoprodaji rezača papira, dodjeljuje se ponuđaču „R&S“ d.o.o. Sarajevo, ponuda broj 16-12-16-3522-3/17 od 21.06.2017. godine, za ponuđenu cijenu 8.410,00 KM bez PDV-a.

Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

Član 3.

Prijedlog ugovora o kupoprodaji dostaviti će se na potpis izabranom ponuđaču, po proteku roka od 10 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno sa upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-3522-1/17 od 29.05.2017. godine pokrenut je postupak javne nabavke rezača papira za potrebe Agencije, putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-395-3-35/17 od 08.06.2017. godine. Procijenjena vrijednost javne nabavke je 8.500,00 KM bez PDV-a, a za što su novčana sredstva obezbjeđena u okviru budžetskih sredstava za 2017. godinu.

Obzirom da je tačkom 6. Konkurentskog zahtjeva navedeno da je rok za dostavljanje ponuda 21.06.2017. godine do 13,00 sati, te da se ponude dostavljaju u zatvorenoj koverti, Komisija je dana 21.06.2017. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno četiri ponude i to:

Redni broj.	Naziv ponuđača	Vrijednost ponude (bez PDV-a)
1.	„R&S“ d.o.o. Sarajevo	8.410,00 KM
2.	„NETWORK“ d.o.o. Sarajevo	8.350,00 KM
3.	„ITC“ Zenica d.o.o.	8.500,00 KM
4.	„CROBOX“ d.o.o. Sarajevo	8.440,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen pregledanjem dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika o uslovima i načinu korištenja e-aukcije („Službeni glasnik BiH“, broj 66/16), te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači „R&S“ d.o.o. Sarajevo i „ITC“ Zenica d.o.o. ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Konkurentskog zahtjeva, zbog čega su iste ocijenjene kao prihvatljive ponude.

Također, Komisija je utvrdila da ponude ponuđača „NETWORK“ d.o.o. Sarajevo i „CROBOX“ d.o.o. Sarajevo nisu prihvatljive obzirom da ne ispunjavaju uslov iz tačke 3.1.3. Konkurentskog zahtjeva - Ekonomska i finansijska sposobnost iz člana 47. Zakona. Naime, uvidom u sadržaj ponuda ponuđača „NETWORK“ d.o.o. Sarajevo i „CROBOX“ d.o.o. Sarajevo, Komisija je utvrdila da uz ponudu nisu dostavili dokaz iz tačke 3.1.3. Konkurentskog zahtjeva - Ekonomska i finansijska sposobnost iz člana 47. Zakona, odnosno nisu uz izjavu o ispunjenosti uslova iz navedene tačke dostavili kao dokaz potvrdu-izvještaj o računima pravne osobe iz Jedinog registra transakcijskih računa u Bosni i Hercegovini izdatu od strane Centralne banke Bosne i Hercegovine ili potvrdu izdatu od strane poslovne, komercijalne banke certificirane za izdavanje takve potvrde-izvještaja isključivo na obrascu Centralne banke Bosne i Hercegovine, da računi nisu blokirani ili ekvivalentan dokument ako se radi o ponuđaču iz inostranstva.

Komisija je u cilju ocjene tehničkih uslova navedenih u Konkurentskom zahtjevu aktom broj 16-12-16-3522/17 od 21.06.2017. godine tražila od Sektora za operativnu podršku

da izvrši uvid u prihvatljive ponude ponuđača „R&S“ d.o.o. Sarajevo i „ITC“ Zenica d.o.o. i dostavi stručno mišljenje u pogledu ispunjavanja tehničkih uslova traženih Konkurentskim zahtjevom. Sektor za operativnu podršku je aktom od 28.06.2017. godine konstatovao da dostavljene ponude kvalifikovanih ponuđača zadovoljavaju tehničke uslove tražene Konkurentskim zahtjevom.

Budući da je Konkurentskim zahtjevom predviđeno da se za navedeni postupak javne nabavke rezača papira za potrebe Agencije provodi e-aukcija, Komisija je za prihvatljive ponude ponuđača „R&S“ d.o.o. Sarajevo i „ITC“ Zenica d.o.o. zakazala e-aukciju dana 10.07.2017. godine u trajanju od 15 minuta u periodu od 12,00 do 12,15 sati. Prema Izvještaju o toku i završetku e-aukcije od 10.07.2017. godine konačna rang lista ponuđača koji su učestvovali u e-aukciji je sljedeća:

Redni broj.	Naziv ponuđača	Vrijednost ponude (bez PDV-a)	Rang
1.	„R&S“ d.o.o. Sarajevo	8.410,00 KM	1
2.	„ITC“ Zenica d.o.o.	8.500,00 KM	2

Shodno Izvještaju o toku i završetku e-aukcije, odlučeno je da se ugovor o kupoprodaji rezača papira za potrebe Agencije dodjeli ponuđaču „R&S“ d.o.o. Sarajevo, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 4x,
- Sektoru za mat.-fin. poslove,
- a/a.

DIREKTOR
GLAVNI GENERALNI INSPEKTOR POLICIJE
Perica Stanić

